



Úratrygging

Skilmáli E-55

Úratrygging er ætluð einstaklingum sem vilja sértryggja úrin sín fyrir óvæntum tjónum.

Í skilmálanum merkir hugtakið „félagið“ Vörður tryggingar hf.

Um trygginguna gilda tryggingarskírteini ásamt áritun og sérskilmálum, skilmálar þessir, almennir skilmálar félagsins nr. AS-1 og ákvæði laga um váttryggingarsamninga nr. 30/2004. Ákvæði í skilmála þessum ganga framar ákvæðum í almennum skilmálum ef ekki er fullt samræmi þar á milli.

1. Kafli. Bótasvið og varúðarreglur

1. gr. Hvað bætir tryggingin?

Tryggingin bætir tjón á tryggðu úri af völdum skyndilegra og óvæntra óhappa.

2. gr. Hvað bætir tryggingin ekki?

Tryggingin bætir ekki tjón sem:

- orsakast af snöggum hita og rakabreytingum.
- stafa af eðlilegu sliti, litabreytingu, hrörnun yfir lengri tíma, ryði, tæringu, rotnun, aflögun, galla, rangri samsetningu, ónógu viðhaldi og innri bilunum.
- valdið er af bakteríum, myglu, skordýrum eða meindýrum.
- orsakast af hreinsun, viðgerðum, endurslípun, breytingum, endurgerð eða endurbótum.
- stafar af innri galla, efnisgalla, smíðagalla, framleiðslugalla eða bilun í hlutum sjálfum.
- verður vegna notkunar á tryggðu úri umfram uppgefið vatnspól framleiðanda á þeim tíma sem tjónið varð, nema tryggður sýni fram á að tjónið verði rakið til annarra orsaka en þeirrar notkunar.
- stafar af segulmögnun ganghluta.

Félagið bætir ekki aukakostnað umfram beinan viðgerðarkostnað á skemmdu úri, svo sem kostnað við hreinsun, smurningu, yfirferð og ábyrgðareftirlit, nema að hann sé talinn nauðsynlegur við viðgerð á úri og þá að hámarki sem þeirri fjárhæð sem tilgreind er á skírteini.

3. gr. Varúðarreglur

- Tryggðum ber að sýna eðlilega aðgát við vörslu tryggðu úri.
- Tryggðum ber að læsa tryggilega hibýlum, bifreiðum, bátum, loftförum og öðrum sambærilegum geymslustöðum þegar þessir staðir eru mannlausir og/eða án eftirlits og sjá til þess á allan hátt að óviðkomandi eigi ekki greiðan aðgang að hinu tryggða.
- Tryggður skal fara með vörslu og umsjón hins tryggða. Sé hið tryggða afhent öðrum til vörslu eða umsjónar ber að fá samþykki félagsins fyrir því.
- Tryggður skal fara að fyrirmælum framleiðenda hvað varðar meðhöndlun, notkun og viðhald.
- Tryggðum ber að fara eftir leiðbeiningum framleiðanda um reglubundið eftirlit með vatnspóli sjálfvirkra og vélrænna úra, þ.m.t. þéttingum, og halda til haga staðfestingu á slíku eftirliti hafi það farið fram.

2. Kafli. Almenn ákvæði

4. gr. Hvað er tryggt?

Tryggingin tekur til úrs sem skráð er á tryggingarskírteini.

Með úri samkvæmt skilmála þessum er átt við vélræn, sjálfvirk eða quartz-armbandsúr. Snjallúr og önnur sambærileg rafeindatæki falla ekki undir trygginguna.

Við tryggingartöku krefst félagið þess að tryggingartaki leggi fram vottorð frá viðurkenndum matsaðila, svo sem faggiltum úrsmið, um verðmæti og lýsingu úrs, þar á meðal tegund, aldur, raðnúmer, gæði og einkenni málma. Félagið metur hverju sinni hvort vottorðið sé það nýlegt og að öðru leyti fullnægjandi til að leggja megi það til grundvallar við ákvörðun verðmætisins. Verði fullnægjandi vottorð ekki lagt fram þrátt fyrir beiðni þar um, er félaginu heimilt að hafna töku tryggingar.

5. gr. Hver er tryggður?

Tryggður er eigandi þeirra hagsmuna sem tilteknir eru á tryggingarskírteini.

Veðhafar og aðrir þeir sem eiga fjárhagslega hagsmuni í lausafénu eru ekki meðtryggðir í skilningi laga nr. 30/2004, nema þeir hafi fengið staðfestingu þess efnis frá félaginu. Meðtryggðir öðlast aldrei meiri rétt gagnvart félaginu en tryggður.

6. gr. Hvar gildir tryggingin?

Tryggingin gildir hvar sem er í heiminum, enda eru tryggð úr í umsjá tryggðs.

7. gr. Tryggingarverðmæti

Tryggingarfjárhæð nemur þeirri fjárhæð sem fram kemur á tryggingarskírteini. Fjárhæðin breytist við endurnýjun samkvæmt vísitölu neysluverðs.

Upphæð tryggingarfjárhæðar telst ekki vera sönnun á verðmæti hinna tryggðu hagsmuna.

Tryggingartaka ber sjálfum að gæta þess að tryggingarfjárhæð sé í samræmi við áhættu á hverjum tíma.

8. gr. Óbeint tjón

Tryggingin nær ekki til óbeins tjóns sem leiða kann af bótaskyldum atburði, svo sem rekstrartapi, töf á framleiðslu eða afhendingu á vörum.

9. gr. Ákvörðun bóta

- Ef úr tapast, týnist eða er stolið mun félagið, eftir því sem unnt er, útvega sambærilegt úr frá upprunalegum eða völdum þjónustuaðilum.
- Ef ekki er hægt að útvega sambærilegt úr miðast tjónsbætur almennt við enduröflunarverð á sambærilegu úri, miðað við markaðsvirði á tjónsdegi.
- Ef ekki er um altjón að ræða getur félagið annað hvort greitt áætlaðan viðgerðarkostnað eða látið gera við það sem skemmdist, þannig að það verði í svipuðu ástandi og fyrir tjón og það borgar sig að mati félagsins.
- Ef kostnaður við viðgerð er hærri en markaðsvirði hins tryggða munar á tjónsdeigi getur félagið boðið samkomulagsbætur.
- Ef félagið greiðir bætur í peningum eða útvegar sambærilegan hlut, er félaginu heimilt að krefjast þess að hinn skemmdi hlutur verði afhentur félaginu til eignar.
- Minjagildi muna eða hvers kyns persónulegt gildi þeirra bætist ekki.
- Tryggður skal ekki hagnast á tryggingaratburði. Tryggingin skal einungis bæta raunverulegt tjón tryggðs.
- Við mat á bótaskyldu og ákvörðun bótafjárhæðar krefst félagið að hægt sé að sýna fram á vottorð sem lagt var fram við tryggingartöku samkvæmt 4. gr. um verðmæti og auðkenni þess úrs sem tjónið varðar.
- Hafi tryggingartaki eða tryggður vísitandi veitt rangar eða villandi upplýsingar um verðmæti eða einkenni hins tryggða skartgrips, er félaginu heimilt að hafna bótaskyldu.

10. gr. Vísitala

Tryggingarfjárhæðir og fjárhæðir sjálfsábyrgða í þessari tryggingu fylgja þróun verðlags í landinu og breytast þessar fjárhæðir því samkvæmt vísitölu neysluverðs við hverja endurnýjun.

Skilmálar þessir gilda frá 01.09.2026